

Агитатор Дуня

- Дуня, сип-сибилигин партийнай тэрилтэ секретарыгар тахса охсуонг үһү!
— таһыттан киирбит кыыс хатан куолаһа чанкынаабыта.

- Директоры эмиэ ынгырда дуо? — Дуня хап-сабар утары ыйытта.

- Суох, эйигин соботохтуу.

Дуня партията суох киһини, миигин секретарь тоҕо ала-чуо соботохтуу ынгырдабай диэн саныы-саныы, секретарь үлэлиир дьиэтигэр тахсыбыта.

- Эйиигин агитаторынан аныбыт, - партийнай тэрилтэ секретара кэпсэтиһиини ити курдук саҥалаабыта.

Ити кэмтэн ыла Дуня агитатор буолар бочуоттаах соруудабы сүкпүтэ. Билигин итинник кэпсэтиһии буолбута номнуо үһүс сылын туолан эрэр. Оттон Дуня ити эбээһинэһин күн бүгүнүгэр диэри чиэстээхтик сүгэ сылдьар.

Кини оччолортон билингэ диэри Уус-Алдан оройуонун культура Найахытаабы дьиэтигэр инструкторынан үлэлиир. Дуня 15 сыл былаһын тухары оройуон иһигэр културнай-сырдатар тэрилтэлэргэ арахсыбакка үлэлии сылдьар. Биһиги ити Дуня диэн Евдокия Афанасьевна Ефимова туһунан этэбит.

Олохтоох партийнай тэрилтэ киниэхэ агитатор бочуоттаах аатын түбэспиччэ итэҕэйбэтэҕэ. Кини бу эбээһинэһин ис сүрэхтэн кыһанан туран толорор. Билигин Евдокия Афанасьевна ССКП чилиэнигэр кандидат.

Дуня Сталин аатынан колхоз сүөһү иитээччилэрин ортотугар агитатордыыр. Ааспыт кыһын колхоз киин бөһүөлөгүн таһынаабы Балыктаах хотонугар агитаторынан үлэлээбитэ. Онно коммунистическай үлэ коллективын аатын ылар иһин охсуһар колхоз бастын эдэр ыанныксыттара — ыччат-комсомольскай звенотун чилиэттэрэ кыстаабыттара. Манна агитатор Дуня кинилэргэ күндү ыалдьытынан уонна үтөө сүбэһитинэн буолар чиэстээх эбээһинэһи толорбута. Оттон бу звено ыанныксыттара сайылыкка тахсыы кэмигэр Бээлээн учаастагар көспүттэрэ. Бу учаастак бөһүөлөктөн төһө даҕаны тэйиччитин үрдүнэн, таб. Ефимова ыанныксыттарыгар агитатордыырын уураппатаҕа. Кини сайыны быһа, бу учаастакка сотору-сотору тийиэн, бэйэтин үлэтин күнү күннүктээн ыытара. Үксүгэр киэһэ ыам кэнниттэн төннөрө. Титииккэ тахсыһан, ыанныксыттар үлэлииллэрин көрөрө, көмөлөһөрө, итэҕэһи-быһаҕаһы туоратыһара, көрдөрүүлээх агитацияны тэрийэрэ, ыныксыттар куоталаһыыларын бэрэбиэркэлиирэ. Кини күнүһүн үлэлээтим диэбэккэ, киэһэтин кулуупка барар мероприятиялары тэрийсэн ыытар.

Таб. Ефимова сүрүн үлэтинэн культура дьиэтигэр көрдөрүүлээх агитацияны тэрийии буолар. Бу өттүнэн ыллахха, Найахытаабы культура дьиэтигэр үлэ көрдөрүүлээхтик тэрилиннэ. Ол курдук, кулууп таһыгар щиттэргэ сэттэ оройуон куоталаһыыларын көрдөрүүлэрэ онһуулан тураллар. Дьиэ иһигэр Сталин аатынан колхоз 1960 сыллаах көрдөрүүлэрин, ыччат звеноларын үүтү ылыыларын, Саха АССР, оройуон уонна колхоз 7 сыллаах былааннарын көрдөрөр дуоскалар, ону сэргэ Социалистическай Үлэ Геройа Е.И. Бурцева үлэтин туһунан фотомонтажтар бааллар.

Агитатор Дуня маньы тэнгэ уус-уран самодеятельность тэрийээччитэ. Кини сыанаҕа тахсан ылласпатах концера, сылдыспатах агитбригадата суобун кэриэтэ. Дуня концердарга хордары, сольнай ырыалары толорууга активнайдык кыттар. Колхоз иһигэр ыраах производственной учааскаларга сылдьар агитационнай-художественнай биригээдэлэргэ кини ырыаһыт буоларын таһынан, дьиннээх массовик-агитатор быһыытынан үлэлиир.

Бу күннэргэ колхозтаахтар агитатор Евдокия Афанасьевна олохтоох радионан этиилэрин киэһэ ахсын, сынньана олорон үгүстүк истэр буоллулар.

Үчүгэй общественник, талааннаах тэрийээччи. Итинник тыллар бииги
Дунябытыгар толору сыһыаннаахтар. Билигин таб. Ефимова ССКП Киин
Комитетын Пленумун матырыяалларын пропагандалыыр үлэни саҕалаата.

И. Артамонов